



Publicaziuns dalla vischnaunca, jamna 48

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2012-1040

Linus Manetsch, Via Disla 19, 7180 Disentis/Mustér; construcziun d'in suttetg, parcella 1793, Via Disla 19, 7180 Disentis/Mustér.

Nr. 2012-1061

Alfred Spescha-Solèr, Via Veier 6, 7180 Disentis/Mustér; construcziun d'ina puschinera nova ed adattaziuns vid ils baghetgs existents, parcella 3362, Falingia, 7180 Disentis/Mustér.

Nr. 2012-1066

Coray Capaul Immobilien GmbH, Via Lucmagn 4, 7180 Disentis/Mustér; baghetg d'economia, midada d'intent – realisaziun da duas habitaziuns, parcella 1420, Via Clavaniev 6, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 26-11-2012

Uffeci da baghegiar Disentis/Mustér

Pigniel da Nadal 2012

La 3. classa reala/secundara Mustér organischescha uonn la vendita dil pigniel da Nadal. Ei vegn vendiu pignola mo sin empustaziun. La vendita ha liug avon il local forestal a CuoZ-Sut:

Gievgia, ils 20 da december 2012 dallas 8.30–11.00.

Il pigniel sa vegnir empustaus entochen ils **12 da december 2012** cun indicar num, prenum, adressa, sort dil pigniel e grondezia. Il talun d'empustaziun anfleis Vus sin la pagina d'internet www.disentis.ch. Adressa: Scola Mustér, vendita da pigeuls, Caum postal 41, 7180 Disentis/Mustér Telefon: 079 294 29 64, mintgamai gliendisdis ni mesjamna denter las 17.00–19.00 079 648 46 03, mintgamai gievgia ni venderdis, denter las 17.00–19.00 Mail: gvenzin@scoladisentis.ch

Pégn (Rottanne) 1,10–1,50 m frs. 26.–
1,60–2,00 m frs. 29.–
2,10–2,50 m frs. 33.–

Viez (Weisstanne) 1,20–1,70 m frs. 38.–
1,80–2,50 m frs. 43.–

Pégn da Nordmann 1,10–1,50 m frs. 41.–
1,60–2,00 m frs. 53.–
2,10–2,50 m frs. 67.–

Pinar sez il pigniel da Nadal!

Igl uffeci forestal dat era uonn la pussevividad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Il forester communal accumpogna ils interessai e dat in ni l'auter cussegl.

Nus s'entupein cun resti cauld, buns calzers ed ina resgiutta **sonda, ils 22 da december 2012 allas 9.00 sil parcadi dil Center da sport e cultura, Mustér.**

Uffeci forestal Disentis/Mustér



Controlla da habitonts

Naschientscha

Loris Lionel Lutz, naschius ils 15 da november 2012, feagl da Corsin e Natalie Lutz-Notz.

Uniun da dunnas Mustér Mummas cun affons pigns

Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni **mesjamna, ils 5 da december 2012 dallas 15.00–16.30** per passentar in bi suentermiezdi da cumpignia el local Artgin. Per damondas ni sclariment stat Nathalie Lutz, tel. 081 947 61 94 bugen a disposiziun.

Mummas cun affons pigns Mustér

Sontgaclau a Segnas-Acletta

Sco mintg'onn vegn il Sontgaclau da Segnas-Acletta era uonn puspei sin viseta. Per ch'el stoppi buca star avon escha serrada supplichescha el da communicar sch'el astga vegni a far ina viseta cun in per cuortas indicaziuns (cavazins).

Per tut ils interessai vegn igl oremus prelegius allas 23.00 ell'ustria «Crestas» a Segnas.

Las annunzias san vegnidass termessas **entochen ils 7-12-2012** a la suandonta adressa: Carlo Monn, president UG Segnas-Acletta Via Cuoz-sut 4, 7186 Segnas ni per mail sin: carlomonn@hotmail.com

Cordial engraziament ed in bi temps da Nadal giavischa
a Vus *l'Uniun da giuventetgna Segnas-Acletta*

Sontgaclau 2012

Prezias vischins dalla fracziun Vitg **Sonda, ils 8 da december 2012** viseta Sontgaclau ils affons el center dil vitg, ellas ustrias e la sera tier las famiglias a casa.

Per saver organisar meglier las visetas tier las famiglias a casa, supplichein nus Vus da s'annunziar a scret cun far entginas indicaziuns entochen gievgia, ils 6 da december 2012 alla suandonta adressa: Sontgaclau 2012, Vitg, 7180 Mustér, ni sontgaclauvitg@hotmail.com

Suenter l'usitada messa da Sontgaclau s'entaupan ils dus Sontgaclaus da Vitg cun lur suitas avon il hotel «La Furca» cun tuts che han plascher tier ina paterlada, punsch, vin cauld e suppa.

Ei fagess grond plascher da s'entupar cun Vus.
Cordials salids *Sontgaclau e sia suita*

Sontgaclau Funs, Clavaniev, Latis

Il Sontgaclau envida tut ils vischins ils **8 da December 2012** dallas 17.00 entochen ca. las 18.30 ad ina sentupada el curtin dalla «Villa». Bugen fa il Sontgaclau la sera era ina viseta tier Vus a casa. Annunzias ni giavischs san vegni communicai a Curdin Maissen, Via Latis 6, 7180 Mustér ni via curdin_maissen@hotmail.com



Uniun da dunnas Mustér Sontgaclau viseta ils seniors

Dumengia, ils 9 da december 2012 allas 13.30 en halla Cons

Cun grond plascher envidein nus tut ils convischins e las convischinas da **60 onns ensi** alla tradiziunala sentupada cun Sontgaclau. Cun in pign program, viseta dil Sontgaclau ed in pushegn lein nus porscher a Vus in per emperneivlas uras en cumpignia. Nus selegrein da passentar ensemen cun Vus in bi suentermiezdi.

Cordialmein envida
Uniun da dunnas Mustér

Sentupadas d'advent el vitg da Segnas

Selegrar, tedlar historias, gustar, rir, sediscuorer, smarvegliar ... Tut quei ed aunc dapli vulein nus, pigns e gronds, far communablamein durant las sentupadas d'advent el vitg da Segnas.

Noss'emprema sentupada ha liug: **Dumengia, ils 2 da december 2012 allas 17.00** el clavau sper via all'entschatta dil vitg.

Tuts ein cordialmein envidai e beinvegni.
Nus selegrein da s'entupar cun Vus.
La grupp d'organisaziun dil vischinadi Segnas

Contact: Regina Giger-Caminada, 079 228 53 23, e-mail: contact@rgc-art.ch

Calender d'advent 2012

Las finiastras d'advent vegnan aviartas uonn a Disla.

1. Placi ed Emerita Bigliel-Hendry
2. Barla Schmed
3. Stalla Placi Bigliel
4. Lothar e Frena Bearth-Flepp
5. Otto e Venanzius Levy
6. Othmar ed Ursina Lutz-Schmed
7. Helena Manetsch
8. Rita Lutz
9. Kurt e Nelly Hirschi-Bosshard
10. Casa Agosti
11. Edi e Rosi Zanin
12. Placi e Cornelia Monn-Cabalzar
13. Giachen ed Antonia Riedi-Columberg
14. Florian e Flurina Zanin-Bearth
15. Bruno ed Angelina Tschuor-Dermon
16. Max e Barla Deplazes-Lutz
17. Lisabeth Dermon
18. Georg e Luisa Orlik-Bigliel
19. Casa Mitterholzer
20. Casa Bundi
21. Adalbert e Maria Lutz-Levy
22. Martin e Frena Lutz-Derungs
23. Ustria «Fravia»
24. Caplutta s. Leci

Ellas glischan entochen ils 6 da schaner 2013.

Bien divertiment. *Vischinadi Disla*



Frauenfest am Gymnasium Kloster Disentis

Vor genau 40 Jahren hat das Gymnasium Kloster Disentis auch Mädchen in ihre Klassen zugelassen. 2006 konnte die Präfektur ein eigens für diese Frauen erbautes Haus in Betrieb nehmen. Das Unterhaus von Gion A. Caminada wird jedes Jahr von Hunderten von Architekturinteressierten aus aller Welt besucht. Ein Haus, an welchem das Menschenbild und die pädagogischen Anliegen der 1300-jährigen Klostersgemeinschaft zur Darstellung kommt. In den vier Stuben (Stockwerken) werden am **Samstag, 1. Dezember 2012**, durch den Tag hindurch 20 Begegnungen mit Frauen angeboten, welche in engem Kontakt zur Schule stehen. Zugang zum Fest haben ausschliesslich Frauen und Kinder. Die Cafeteria im Tanzsaal an der Via Sursilvana steht allen offen. Vergl. auch Veranstaltungskalender. Alle Details unter <http://gkd.ch>

Für die Schulleitung: Stefan M. Seydel, Präfekt

Preavis seras da divertiment

Dumengia, ils 30 da december 2012 sepresentan Francince Jordi, Nina Burri e la gruppa da cant Acavoce allas 20.00 el Center da sport e cultura. **Venderdis, ils 22 da mars 2013** ha liug medema mein el Center da sport e cultura Muster ina sera da divertiment cun il cabaretist Marco Rima. El presenta siu pli niev program. Organisaziun: la culturella.

Uniun samaritana Mustér

Nus serimnein **gliendisdis, ils 10 da december allas 19.15 avon halla Cons.** En buna cumpignia lein nus passentar ina biala sentupada d'advent cun entginas surpresas ed in pign pushegn. Trer en resti cauld!

Selegrond sin Vossa participaziun ed ina biala sera salida
la presidenta

Advent en la Biblioteca populara Disentis/Mustér

Exposiziun da Nadal naven da gliendisdis, ils 19 da november 2012 Nus presentein nossas medias per advent e Nadal en in contuorn pascheivel.

Caffè d'avent cun Sontgaclau gievgia, ils 6 da december, 15.00–17.30 Sontgaclau viseta *grond e pign* naven dallas 16.00 en biblioteca e raquenta entuorn las 16.45 ina historia.

Bons da regal

Tier nus dat ei ideas per pigns regals da Nadal che fan senn: Abonnement digl onn per famiglias ni persunas singulas e bons da DVD.

Nus selegrein sin Vossa viseta en la biblioteca ch'ei decorada festiv.
Il team dalla biblioteca



Uniun da dunnas Mustér – Engraziament

La suprastonza dall'uniun da dunnas engrazia grondamein ad in e scadin ch'ei segidaus cun nus avon, duron e suenter la fiera da Nadal.

Tgei fuss ina fiera da Nadal senza ils expositurs, era a Vus tuts engraziein nus fetg per Vossas bialas e bunas purschidas. Mo era a Vus visitaders che haveis dau suatientscha a nies invit ed aschia gidau ad embellir nossa fiera engraziein nus da cor.

Nus savein surdar la biala summa da frs. 1000.– al spital d'affons da Betlehem. Sin in bien seveser in'otra gada.

Cordials salids *la suprastonza dall'uniun da dunnas Fabiana, Madlen, Sigrid, Nanetta e Christina*